

甘肅府縣志輯

中國地方志集成

乾隆合水縣志
道光兩當縣新志

中國地方志集成

甘肅府縣志輯 ②③

乾隆合水縣志

光緒合水縣志

乾隆兩當縣志

道光兩當縣新志

鳳凰出版社 ● 上海書店 ● 巴蜀書社

薄劉合

七六一
本書二卷，清乾隆二十六年（一七六一）刊刻，現據鈔本影印。

國史館

影印

弁言

有巢於睫者欲自表厥
居豈不為蠻觸所笑顧
微如黑子或藉有三毫
標英頰輔遇虎頭而神
彩發誌之不可少也若

是夫合水自社墟來譜
牒煙銷盲無摘埴先時
纂郡乘而邑猶未遑茲
大府下今以邊圉武靖
文獻宜徵將增修省志
太守曰我亟新之
奕曾

承命雖譴劣奚辭爰耳
訪目稽孤檠隻管砌鱗
綴腋日簡旬編如小兒
之顰童子胚撫犢侶自
分東顰何許毋抑顧不
見其睫兮

乾隆辛巳端陽前一日

長沙陶奕曾題



凡例

合水舊無志今集中稱原志者即順治年間所修之
府志間或有所論辨嫌於與上為牴牾故統稱之曰
原志

志中分行註釋採取諸書者皆不著名氏避冗也其
或出自鄙意則用按序以別之

自來作志者每一門類必有小引或由紳士操筆則
其言竟似有望於守土者即自為之抑或有望於上
官及後之人當其事者胡為耶茲所論撰言雖不文

要皆就邑言邑用以自勉焉耳

作志須有關於地方便閱者洞知其利弊非徒為紀載故實也即事非所急亦必寓諸論斷以見其情小引體式多用古作原起其拍合處祇拈郡縣名之首一字似近於俗今如此類寧失不典蓋亦有意避俗其遂能免俗乎否

敘事宜詳而不宜冗宜簡而不宜略然才乏三長筆無鑪冶往往求詳而失之冗求簡而失之略在所不免識者諒焉

凡志中輿地域郭例各有圖以便省覽今亦思自星
野以下分附圖表第繪工剖氏俱無能者與其不見
匡廬面毋寧闕此以俟將來

分門四十各以類從惟學校不列

文廟以學自學而廟自廟也古者學宮必有齋舍以
居生徒今既無之則亦崇祀

先聖之所而豈敢援以為學耶教官所居入於廨署
意亦猶此若藉田之附

先農壇則因其禮之並舉云

金史卷一百一十五

金史卷一百一十五

金史卷一百一十五

金史卷一百一十五

金史卷一百一十五

金史卷一百一十五

金史卷一百一十五

金史卷一百一十五

金史卷一百一十五

合水縣志

目錄

上卷

星野

建置

疆域

形勝

山川

城郭

壇廟

廨署

倉庾

關市

橋道

村堡

田園

古蹟

陵墓

寺觀

里甲

戶口

賦役

經費

下卷

學校

兵防

郵傳

職官

名宦

鄉賢

忠孝

節義

科第

薦辟

恩例

隱逸

流寓

仙釋

方技

物產

風俗

祥異

遺事

藝文

合水縣志 上卷

星野

百里之地其當天之宿度幾何哉然度積於杪分而地不遺片壤矧積人成邑則和祥乖異氣之先見於昭昭者理亦宜然必知躔次之所在庶仰觀焉而思所以修捍之方志星野

周禮保章氏以星土辨九州之地所封封域皆有分星以觀妖祥

漢書天文志北斗七星用昏建者杓杓自華以西南

東井輿鬼雍州 庚辛華山以西 庚秦辛西夷

午秦 秦之疆候太白占狼孤

班固曰秦地於天官東井輿鬼之分壑也

自井十度至柳三度謂之鶉首之次秦之分也

費直周易分野鶉首起井十三度

蔡邕月令章句鶉首起井十度

後漢書天文註星經曰太白金華陰山雍州涼州

東井孤皆秦地

星經虛宿秦二星在周星東南 天市西垣秦一星

在周鄭巴蜀之間

魏太史令陳卓言井十六度至柳八度為鶉首於辰
在未斗建在午秦之分野屬雍州

晉天文志斗魁四星一主秦 五車者五帝車舍也
西北大星曰天庫主太白金主秦

李淳風法象志東井與鬼秦雍州 尾箕燕幽州
西河上郡北地遼西遼東入尾十度

唐僧一行謂天下山河之象存乎南北而戒 東井
據百川上流故鶉首為秦蜀墟得兩戒山河之首

鶉首實沈以負西海其神主於華山太白位焉
東井居兩河之陰自山河上流當地絡之西北
與鬼居兩河之陽自漢中東盡華陽與鶉火相接當
地絡之東南

鶉首之外雲漢潛流而未達故狼星在江河上源之
西弧矢犬雞皆徼外之備也西羌吐蕃吐谷渾及西
南徼外夷人皆占狼星

東井與首鶉首也初東井十二度餘二千一百七十
二秒十五太中東井二十七度終柳六度